



ՆԱՅԱՍՏԱՆԻ ՆԱԼՐԱԴԵՏՈՒԹՅԱՆ ՍԱՆՄԱՆԱԴՐԱԿԱՆ ԴԱՏԱՐԱՆԻ ԹԻՎ 1
ԴԱՏԱԿԱՆ ԿԱԶՄԻ
Ո Ր Ո Շ ՈՒ Մ Ը

ԱՆՆԱՏԱԿԱՆ ԴԻՄՈՒՄԻ ԸՆԴՈՒՆԵԼԻՈՒԹՅԱՆ ՆԱՐՅԻ ՎԵՐԱԲԵՐՅԱԼ

Քաղ. Երևան

09 ապրիլի 2014թ.

Հայաստանի Հանրապետության
սահմանադրական դատարանի թիվ 1 դատական կազմը՝

Նախագահությամբ՝ Վ.Հովհաննիսյանի
Անդամակցությամբ՝ Ա. Պետրոսյանի
Մ. Թովուզյանի

Ուսումնասիրելով Արմեն Հարությունյանի անհատական դիմումով գործը
քննության ընդունելու մասին հարցը,

Պ Ա Ր Ձ Ե Ց.

ՀՀ Սահմանադրության 101-րդ հոդվածի 1-ին մասի 6-րդ կետի
համաձայն՝ քաղաքացի Արմեն Հարությունյանը 20.03.2014թ. դիմել է ՀՀ
սահմանադրական դատարան՝ խնդրելով. ՀՀ քրեական օրենսգրքի 178-րդ հոդվածը՝
իրավակիրառական պրակտիկայում դրան տրված մեկնաբանության շրջանակներում

ճանաչել ՀՀ Սահմանադրության 16-րդ հոդվածի 5-րդ մասի պահանջներին հակասող և անվավեր:

Ըստ դիմողի՝ ՀՀ քրեական օրենսգրքի 178-րդ հոդվածի շրջանակներում իրեն ներկայացված թվով 5 մեղադրանքների մասով առկա են եղել քաղաքացիաիրավական հարաբերություններ, կնքված են եղել գույքի տարածամկետ վճարման պայմանագրեր և ինքը ենթարկվել է քրեական պատասխանատվության գուտ այն բանի համար, որ չի կարողացել կատարել իր քաղաքացիաիրավական պարտավորությունները: Մինչդեռ ՀՀ Սահմանադրության 16-րդ հոդվածի 5-րդ մասի համաձայն՝ մարդուն չի կարելի ազատությունից զրկել միայն այն պատճառով, որ ի վիճակի չէ կատարելու քաղաքացիաիրավական պարտավորությունները:

Դիմողը նշելով, որ իր գործում առկա չի եղել այնպիսի ապացույց, որը թույլ կտար եզրահանգելու, որ ինքը խաբեությամբ կամ վստահությունը չարաշահելու եղանակով ուրիշի գույքի նկատմամբ ձեռք է բերել իրավունքներ՝ միաժամանակ պնդում է, որ ՀՀ քրեական օրենսգրքի 178-րդ հոդվածի 1-ին մասն իրավակիրառական պրակտիկայում լայն մեկնաբանության հնարավորություն է տալիս այնքանով, որքանով իրավապահ մարմինները հնարավորություն են ստանում քաղաքացիաիրավական պարտավորությունները չկատարող /ոչ չարամտորեն, այլ հանգամանքների գուգորդմամբ/ ցանկացած անձի մեղադրանք առաջադրել և դատապարտել: Ըստ դիմողի՝ «Վիճարկվող նորմի նման մեկնաբանումը խեղաթյուրում է քաղաքացիների ազատ կամարտահայտությամբ գործարքներ կնքելու, իրավունքներ և պարտականություններ ձեռք բերելու և կատարելու այն ամենն ինչ արգելված չէ օրենքով»:

Սահմանադրական դատարանի թիվ 1 դատական կազմը, ելնելով դիմումի եւ կից փաստաթղթերի ուսումնասիրությունից եւ ղեկավարվելով «Սահմանադրական դատարանի մասին» ՀՀ օրենքի 32 եւ 69-րդ հոդվածների պահանջներով՝ գտնում է, որ սահմանադրական դատարանի կողմից գործի քննության ընդունումը ենթակա է մերժման հետեւյալ պատճառաբանությամբ.

1. Դիմումի և կից ներկայացված փաստաթղթերի ուսումնասիրությունը վկայում է, որ ՀՀ քրեական օրենսգրքի 178-րդ հոդվածի 1-ին մասի իրավադրույթը չի կիրառվել դիմողի նկատմամբ: Դիմողի նկատմամբ ընդհանուր իրավասության կամ մասնագիտացված դատարանի կողմից վիճարկվող դրույթի կիրառումը՝ որպես անհատական դիմումին ներկայացվող անհրաժեշտ պայման, ի թիվս այլնի, նախատեսված է «Սահմանադրական դատարանի մասին» ՀՀ օրենքի 69-րդ հոդվածի 1-ին մասով: ՀՀ սահմանադրական դատարանն իր՝ 2009թ. մարտի 17-ի ՍԴԱՌ-21 որոշման մեջ ձևակերպել է համապատասխան իրավական դիրքորոշում, համաձայն որի՝ նշված օրենքի 69-րդ հոդվածի 1-ին մասում ամրագրված որևէ պայմանի բացակայության դեպքում անհատական դիմում ներկայացրած ֆիզիկական կամ իրավաբանական անձը սահմանադրական դատարան դիմելու համար իրավասու օրբյեկտ չէ: Հետևաբար, այս առումով առկա է անհատական դիմումի հիման վրա գործի քննությունը մերժելու՝ «Սահմանադրական դատարանի մասին» ՀՀ օրենքի 32-րդ հոդվածի 2-րդ կետով նախատեսված հիմք:

2. ՀՀ քրեական օրենսգրքի 178-րդ հոդվածի 2-րդ և 3-րդ մասերի առնչությամբ դատական կազմը գտնում է, որ դիմողը չի ներկայացրել պատշաճ իրավական հիմնավորումներ վիճարկվող իրավադրույթների ենթադրյալ հակասահմանադրականության վերաբերյալ: Մինչդեռ «Սահմանադրական դատարանի մասին» ՀՀ օրենքի 69-րդ հոդվածի 4-րդ մասը՝ որպես անհատական դիմումի ընդունելիության պարտադիր պայման, սահմանում է, որ դիմումը պետք է պարունակի ՀՀ Սահմանադրությանը հակասելու հիմնավորումներ: Այս համատեքստում ՀՀ սահմանադրական դատարանն իր՝ 2009թ. նոյեմբերի 24-ի ՍԴՌ-839 որոշման մեջ դիրքորոշում է արտահայտել առ այն, որ «Սահմանադրական դատարանի մասին» ՀՀ օրենքի 69-րդ հոդվածի 4-րդ մասն ամրագրում է վիճարկվող դրույթի՝ Սահմանադրությանը հակասելու հիմնավորումներ ներկայացնելու՝ դիմումին ներկայացվող պահանջը, համաձայն որի՝ վիճարկվող օրենքի դրույթի հակասահմանադրականությունը պետք է հիմնավորված լինի օրենքի 68-րդ հոդվածի

7-րդ մասում նշված որևէ հատկանիշով: Ա. Հարությունյանի դիմումի ուսումնասիրությունը վկայում է, որ դրանում առկա չէ օրենքի 68-րդ հոդվածի 7-րդ մասով պայմանավորված խնդրո առարկա դրույթների ենթադրյալ հակասահմանադրականությունը փաստող որևէ հիմնավորում:

3. Դիմողը չի հիմնավորել նաև, թե՞ վիճարկվող իրավանորմի «հակասահմանադրականության» արդյունքում իր որ սահմանադրական իրավունքն է խախտվել, ինչպես նաև չի հիմնավորել իր սահմանադրական իրավունքների ենթադրյալ խախտման փաստի և վիճարկվող դրույթների հակասահմանադրականության միջև պատճառահետևանքային կապի առկայությունը, ինչը, ըստ «Սահմանադրական դատարանի մասին» ՀՀ օրենքի 69-րդ հոդվածի 7-րդ մասի եւ ՀՀ սահմանադրական դատարանի՝ 2009թ. նոյեմբերի 24-ի ՄԴՈ-839 որոշման մեջ արտահայտած իրավական դիրքորոշման՝ անհատական դիմումն ակնհայտ անհիմն համարելու հիմք է: Միաժամանակ, դատական կազմի կարծիքով, դիմողի համար առաջացած անբարենպաստ իրավական հետեւանքները նրա նկատմամբ կայացված համապատասխան դատական ակտի արդյունք են, հետևաբար, խնդրո առարկա դրույթների սահմանադրականությունը վիճարկելով՝ դիմողն ըստ էության բարձրացնում է դրանց կիրառման իրավաչափության հարց՝ փորձելով այն ներկայացնել որպես սահմանադրաիրավական վեճ: Մասնավորապես, դիմողի ներկայացրած փաստարկներն առ այն, որ «...իրեն մեղսագրված արարքում նկարագրված գործողությունները իրենց բնույթով եղել են քաղաքացիաիրավական, նպատակ են հետապնդել իրավունք և պարտականություն առաջացնելուն, որևէ ապացույց գործում չի եղել, որը թույլ կտար եզրահանգելու, որը ինքը խաբեությամբ կամ վստահությունը չարաշահելու եղանակով ուրիշի գույքի նկատմամբ իրավունքներ է ձեռք բերել...» կամ «...ստացվում է, որ ՀՀ քրեական օրենսգրքի 178-րդ հոդվածը կիրառելի է ցանկացած քաղաքացիաիրավական հարաբերությունների նկատմամբ, որտեղ պարտապան կողմը կխախտի իր պարտականությունների կատարումը», գործնականում ուղղված են ընդհանուր իրավասության դատարանների կողմից դիմողին վերագրվող արարքի իրավական գնահատականի իրավաչափությանը:

Համաձայն ՀՀ սահմանադրական դատարանի 17.03.2009թ. ՄԴԱՌ-21 որոշմամբ արտահայտած իրավական դիրքորոշման՝ բոլոր այն դեպքերում, երբ դիմողը ձեռնարկներ են վիճարկելով օրենքի դրույթի սահմանադրականության հարց, ըստ էության բարձրացնում է այդ դրույթի կիրառման իրավաչափության հարց, ապա այդպիսի դիմումները ենթակա են մերժման՝ «Մահմանադրական դատարանի մասին» ՀՀ օրենքի 32-րդ հոդվածի 1-ին կետի հիմքով:

Ելնելով վերոշարադրյալից եւ ղեկավարվելով «Մահմանադրական դատարանի մասին» ՀՀ օրենքի 32-րդ հոդվածի 1-ին, 2-րդ, 6-րդ կետերով, ինչպես նաև 69-րդ հոդվածի 7-րդ մասով՝ ՀՀ սահմանադրական դատարանի թիվ 1 դատական կազմը

Ո Ր Ո Շ Ե Ց .

Քաղաքացի Արմեն Հարությունյանի անհատական դիմումով գործի քննության ընդունումը մերժել:

Նախագահող

Անդամներ



09 ապրիլի 2014թ.

ՄԴԴՆ/1-5